

Váldostivra**Áigi** 30.05.2022 dmu 14:00**Báiki** Gielddadállu, váldostivrra čoahkkinsále**Čoahkkináššit**

Ášši	Bajilčála	Siidu
22	Lágalašvuohta ja mearridanváldi	3
23	Beavdegirjedárkkisteaddjiid válljen	4
24	Bargoortnega dohkkeheapmi	5
25	Eallinfápmohoavdda virggi deavdin	6
26	Diehtujuohkináššedovdi mearreáigásaš 60% doaimma vuodđudeapmi, lassemearreruhta	9
27	Lassemearreruhta Gáregasnjárgga boares skuvlla saneremii	12
28	Ohcejoga girkosiidda sajádatláva nuppástuhttin ja viiddideapmi	14
29	Ohcejoga sajádatláva nuppástus koartilis 1 dohkkehanláhkai	20
30	Áššit diehtun	25

Beavdegirji dollojuvvo albmosis 06.06.2022

Dát čoahkkinbovdehus lea biddjon almmolaš gulahusaid almmuhantávvalii 23.5.2022

Uula Tapiola
ságadoalli

Oasseváldit

	Namma	Bargu	Lassediedut
Mielde	Tapiola Uula	Váldostivrra ságadoalli	
	Lukkari Sammol	Váldostivrra I	
		várreságadoalli	
	Aikio Mika	Váldostivrra II	
		várreságadoalli	
	Ahlakorpi Anni	Áirras	
	Guttorm Urho	Áirras	
	Guttorm Väinö	Áirras	
	Jaatinen Eeva	Áirras	
	Konttinen Pirjo	Áirras	
	Kordelin Marjatta	Áirras	
	Laiti Niila	Áirras	
	Länsman Vesa	Áirras	
	Manninen Ismo	Áirras	
	Niittyvuopio-Valle Laura	Áirras	
	Pohjanrinne Arto	Áirras	
	Tapiola Ilmari	Áirras	
Eará	Pieski Taina	Gielddahoavda	
	Länsman Marja	Beavdegirjedoalli	
	Kumpulainen Riitta	vs. vuodđodorvohoavda	
	Veskonieni Virpi	Čuvgehushoavda-rektor	
	Porsanger Markku	Giddodathoavda	
	Sistonen Sonja	gb. ovddidanhoavda	
	Aikio Esko	Tulka	

22

Lágalašvuohta ja mearridanváldi

Váld

Váldostivrra čoahkkínbovdehus lea sáddejuvvon áirasiidda, gielddaráđđehusa ságadoallái, gielddahovdii ja gielddaráđđehusa lahtuide 23.5.2022. Čoahkkínbovdehus lea seamma beaivve biddjon oaidninláhkai gieldda almmuhantávvalii. Gulahus váldostivrra čoahkkimis leamašan maid Inarilainen-aviissas. Čoahkkima beavdegirji dollojuvvo oaidninláhkai 6.6.2022.

Mearrádus:

Váldostivra

30.05.2022

23

Beavdegirjji dárkkisteaddjiid válljen

Váld

Váldostivrra bargoortnega mielde guđege čoahkkima várás
válljejuvvojit guokte beavdegirjedárkkisteaddji.

Mearrádus:

Váldostivra

30.05.2022

24

Bargoortnega dohkkeheapmi

Váld

Váldostivra dohkkeha čoahkkima áššiid giedahallanortnega áššelisttu mielde.

Mearrádus:

Gielddaráđđehus	§ 57	28.03.2022
Gielddaráđđehus	§ 91	10.05.2022
Gielddaráđđehus	§ 104	16.05.2022
Váldostivra		30.05.2022

25

Eallinfápmohoavdda virggi deavdin

Gr 28.03.2022 § 57

Ovddidan- ja ealáhusshoavda Eeva-Maarit Aikio lea cealkán iežas eret barggustis, ja son báhcá jahkelupmui 2.4.2022 rájes.

Gielddaráđđehus lea evttohan váldostivrii virgenamahusa rievdadeami eallinfápmohoavdan sihke virggi gelbbolašvuodáevttuid rievdadeami. Gielddastivra čoahkkana 7.4.2022.

Virgedoallibargun válmmaštallon ohcanalmmuhus čuovusin.

Evttohus:

Gielddaráđđehus mearrida, ahte eallinfápmohoavdda virgi biddjo rabas go váldostivrra lea dohkkehan virgenamahusrievdadusa sihke gelbbolašvuodáevttuid. Gielddaráđđehusa dohkkeha virggi ohcanalmmuhusa. Virggi ohcanáigi nohká 5.5.2022. Gielddaráđđehus vállje ohcciid geat bovdejuvvojit jearahallamii ja čađaha jearahallamiid. Gielddaráđđehus dahká evttohusa válljejuvvon olbmos váldostivrii nu, ahte virgeválgga sáhtá čađahit manjimustá váldostivrra geassemánu čoahkkimis.

Mearrádus:

Evttohus dohkkehuvvui.

Gr 10.05.2022 § 91

Eallinfápmohoavdda virgi almmuhuvvui ohcanláhkai 28.3.2022. Virggi ohcanáigi nohká 5.5.2022 dmu 15.00. Ohcanalmmuhus lea almmustahtton gieldda virggálaš gulahusaid almmuhantávvala lassin gieldda www-siidduin, [Inarilainen -aviissas](http://Inarilainen-aviissas) sihke Kuntarekry.fi ja Mol.fi bálvalusain.

Ohcanalmmuhus sihke mildosat ohcamušáššebáhpáriin doaimmahuvvojit gielddaráđđehusa lahtuide čuovusmateriálan ovdal čoahkkima. Álgoálgosaš ohcamušáššebáhpárat leat ollislaččat oaidnimis čoahkkimis.

Evttohus:

Gielddaráđđehus mearrida geat bovdejuvvojit jearahallamii sihke soahpá jearahallamiid geavatlaš ordnedemiin.

Gielddaráđdehus	§ 57	28.03.2022
Gielddaráđdehus	§ 91	10.05.2022
Gielddaráđdehus	§ 104	16.05.2022
Váldostivra		30.05.2022

Mearrádus:

Gielddahoavda gávnnašii, ahte áigemeari rádjai bohte njeallje ohcamuša. Virggi ohce Johanna Mikkola, Jani Guttorm, Marja Männistö ja Tanja Lepistö.

Gielddaráđdehus mearridii ovtamielalaččat gohččut buot njeallje ohcci jearahallamii. Jearahallamat čađahuvvojit 16.5. Jearahallamiidda sáhttet oassálastit buot gielddaráđdehusa ja váldostivrra lahtut.

Gr 16.05.2022 § 104

Ohcanalmmuhus sihke mildosat ohcamušáššebáhpáriin doaimmahuvvojit gielddaráđdehusa lahtuide siidomateriálan. Álgoálgosaš ohcamušáššebáhpárat leat ollislaččat oaidnimis čoahkkimis.

Evttohus:

Gielddaráđdehus čađaha jearahallamiid. Jearahallamiidda sáhttet oassálastit buot gielddaráđdehusa ja váldostivrra lahtut. Gielddaráđdehus dahká evttohusa virggi deavdimis váldostivrii.

Čoahkkimis addon áššemeannudeaddji evttohus:

Skuvlejumi, bargohárjani, dohkálašvuoda ja jearahallama vuodul šaddan ollislašgova vuodul gielddaráđdehus evttoha váldostivrii, ahte eallinfápmohoavdda virgái välljejuvvo Tanja Lepistö.

Mearrádus:

Urho Guttorm almmuhii iežas easttalažžan ášši gieđahallamii. Merkejuvvui beavdegirjái, ahte Urho Guttorm vulggii čoahkkimis áššu gieđahallama áigái.

Merkejuvvui beavdegirjái, ahte Marja Männistö lea 13.5.2022 girjjálaččat almmuhan ahte geassá eret ohcamušas virgái.

Gielddaráđdehus čađahii Jani Guttorma, Johanna Mikkola ja Tanja Lepistö jearahallamiid. Merkejuvvui beavdegirjái, ahte jearahallamiin ledje mielde maidái váldostivrra lahtut ja hálddahushoavddat.

Ságadoalli evttohii, ahte eallinfápmolávdegotti virgái välljejuvvo várresadjái Johanna Mikkola. Evttohus dohkkehuvvui ovtamielalaččat.

Gielddaráđdehus	§ 57	28.03.2022
Gielddaráđdehus	§ 91	10.05.2022
Gielddaráđdehus	§ 104	16.05.2022
Váldostivra		30.05.2022

Čoahkkimis addon áššemeannudeaddji evttohus sihke ságadoalli evttohus dohkkehuvvojedje ovttamielalaččat. Gielddaráđdehus mearridii evttohit váldostivrii, ahte eallinfápmohoavdda virgái válljejuvvo Tanja Lepistö ja várresadjái Johanna Mikkola.

Váld

Ohcanalmmuhus sihke kopijjat ohcanáššegirjiin doaimmahuvvojit váldostivrra lahtuide lassemateriálan. Originála ohcanáššegirjjit leat oppalohkái oaidnimis čoahkkimis.

Evttohus:

Váldostivra vállje eallinfápmohoavdda virgái Tanja Lepistö ja várresadjái Johanna Mikkola gielddaráđdehusa evttohusa mielde.

Mearrádus:

Juohkin

Virggi ohccit
Hálddahušgottit

26

Diehtujuohkináššedovdi mearreáigásaš 60% doaimma vuodđudeapmi, lassemearreruhta

Gr 27.04.2022 § 84

Gáibádusat gieldda doaimma ja mearrádusdahkama čađačuovgivuodas ja vuorrováikkuhanvuodas leat lassánan 2000-logus mearkkašahtti ollu. Gieldalága (29§) mielde diehtujuohkin gullá gieldda láhkageatnegahtton bargguide. Gieldda doaimma birra galgá dieđihit ássiide, bálvalusaid geavaheaddjiide, organisašuvnnaide ja eará servošiidda. Gielda berre addit doarvái dieđuid gieldda ordnen bálvalusain, ekonomijjas, áššiin mat gielddas leat válmmaštallama vuolde, daidda guoski plánain, áššiid gieđahallamis, dahkkon mearrádusain ja mearrádusaid váikkuhusain. Gielda galgá dieđihit, man láhkai mearrádusaid válmmaštallamii sáhtá oassálastit ja váikkuhit.

Gielda berre fuolahit, ahte doaibmaorgánaid gieđahallamii boahtti áššiid válmmaštallamis addojuvvojit almmolaš dieđuoažžuma dáfus dárbbášlaš dieđut almmolaš diehtofierpmádagas dan maŋŋá, go evttohuslistu lea gárvvis. Gielda berre fierbmediehtujuohkimisttis fuolahit, ahte čiegus dieđut eai dolvojuvvo almmolaš diehtofierpmádahkii ja ahte priváhtavuodá suodji persovdnadieđuid gieđahallamis ollašuvvá.

Diehtujuohkimis galgá geavahit čielga ja áddehahtti giela ja váldit vuhtii gieldda sierra ássijoavkkuid dárbbuid.

Diehtujuohkin gullá maid čavgadit gieldda stivremii, beaggima hálddašeapmái ja márkanastimii. Diehtujuohkima mearkkašupmi lea lassánan Ohcejoga gielddage doaimmas ja boahttevuodá ovddideamis ja lassána ain earet eará fáhkkes ráhkadusnuppástusa geažil. Danin gielddas dárbbášuvvo diehtujuohkima ámmátolmmoš – juoba oasseáigásaččat.

Smávvgage gielddain lea dán áigge olmmoš, gii vástida diehtujuohkimis – stuorát gávpogiin mángga olbmo diehtujuohkinovttadat. Dasa lassin gielddat ostet sierralágan diehtujuohkin- ja márkanastinbálvalusaid, nugo visuálalaš plánema, čuovgagovvema, reklamerema, konsulterema ja diehtujuohkindutkama jna.

Deanuleagis sá mástít -projeavtta dieđiheaddji-buvttadeaddjin ealáhusdoaimmas (70% bargoáiggiin) doaibmi projekt bargi lea dikšon gieldda diehtujuohkinvástideaddji barguid 30% bargoošiin vássán guovtti jagi áigge (1.8.2020 – 31.7.2022) gielddaráđdehusa vuollásažžan. Mearrádus lea dahkkon 24.2.2020 gielddaráđdehusas ja váldostivra lea dohkkehan lassemearreruđa 30% bargooassái 16.6.2020. Dát bargooassi lea geavahuvvon ovddimustá gieldda koronadieđiheapmái. Projekt bargi bargosoahpamuš nohká

31.7.2022. Dan maŋŋá gielddas ii leat olmmoš, gii vástida diehtujuohkimis. Oasseáigásaš diehtujuohkinvástideaddji bálkáheapmái lea mearreruhtavárren 16.000 euro jahkái 2022.

Diehtujuohkináššedovdi bargun lea:

- gieldda siskkáldas ja olgguldas guovttegielat diehtujuohkin ja daid ovddideapmi
- gieldda diehtujuohkinstrategiija gárvvisteapmi, dan ollašuhttima koordineren ja čuovvun
- sisdoalu buvttadeapmi gieldda buot diehtujuohkinkanálaide (dieđáhusat, ođđasat, videot, some-diehtujuohkin, siskkáldas ja olgguldas fierbmebálvalusa váldodoaimmaheaddji bargu)
- mediaoktasašbargu ja mediačuovvun
- gieldda diehtujuohkinválbmemiid plánen ja ollašuhttin
- eanagottálaš diehtujuohkinfierpmádagaide oassálastin
- hálddahušgottit vástidit ain operatiivvalaš rutiidnadietieamis (omd. rabas virggit/doaimmat, virgeolmmošmearrádusat, projektadiehtujuohkin)

Evttohus:

Gielddaráđđehus vuodđuda guovttejagáš mearreáigásaš 60% diehtujuohkináššedovdi doaimma áigodahkii 1.8.2022-31.7.2024.

Gielddaráđđehus nanne diehtujuohkináššedovdi doaimma gelbbolašvuodaeavttuid ná:

Mii eaktudat diehtujuohkináššedovdis heivvolaš allaskuvladutkosa, hárjánumi diehtujuohkinbargguin dahje doaimmaheaddji barggus. Diehtujuohkináššedovdis gáibiduvvo erenomáš buorre suoma- ja davvisámegielaide hálddašeapmi sihke eangalsgiela máhttu. Mii atnit árvvus gielddahálddahuša dovdamuša. Mii atnit dehálažžan ovtasbarganmáhtu, buriid vuorováikkuhandáidduid sihke ođasmahttinmáhtu.

Gielddaráđđehus evttoha váldostivrii lassemearreruđa 9.000 euro jahkái 2022 diehtujuohkináššedovdi bálkáheami várás. Mearreruhta čujuhuvvo gielddaráđđehusa gollobáikái. Jagiid 2023-2024 oasil mearreruhta lasihuvvo bušeahttaevttohussii.

Diehtujuohkináššedovdi doaimma sáhtta bidjat ohcanláhkai, go gielddaráđđehus lea dohkkehan doaimma vuodđudeami ja gelbbolašvuodaeavttuid. Gielddaráđđehus fápmuda gielddahoavdda dahkat mearrádusa diehtujuohkináššedovdi válljemis. Mearrádusa sáhtta dahkat dan maŋŋá, go váldostivra lea dohkkehan lassemearreruhtaevttohusa.

Mearrádus:

Evttohus dohkkehuvvui.

Gielddaráđdehus
Váldostivra

§ 84

27.04.2022
30.05.2022

Váld

Evttohus:

Váldostivra dohkkeha lassemearreruđa 9.000 euro diehtjuohkináššedovdi bálkái jahkái 2022. Jagiid 2023-2024 oasil mearreruhta laktojuvvo bušeahttaevttohussii.

Mearrádus:

Juohkin

Guovddášhálddahus
Rehketdoallu

Teknikkalaš lávdegoddi	§ 29	01.03.2022
Gielddaráđđehus	§ 65	28.03.2022
Váldostivra		30.05.2022

27

Lassemearreruhta Gáregasnjárgga boares skuvlla saneremii

102/10.03.02/2020

Teknlg 01.03.2022 § 29

Gáregasnjárgga skuvlla loahppaoasi divvumii lea várrejuvvon investerenmearreruhta 332.000 euro.

Golut leat juo dál mannan badjel 19.000 euro ja šleađga- ja vvs (lvi) - barggut leat vel ollu barggakeahtta. Lassin huksenteknikkalaš bargguide dárbbasuvvo agoartabargi vel sullii 3,5 mánotbadjái.

Árvvoštallon mannoearit leat dát:
šleađgabarggut 33.600
vvs (lvi) -barggut 22.500
huksenteknikkalaš barggut 25.000
giddes gálvvut ja akustihkka 10.000

Evttohus:

Teknikkalaš lávdegoddi evttoha gielddaráđđehussii ja ain gieldda váldostivrii 111 000 euro lassemearreruđa juolludeami Gáregasnjárgga boares skuvlla sanerema gearrgaheami várás.

Mearrádus:

Evttohus dohkkehuvvui.

Gr 28.03.2022 § 65

Evttohus:

Gielddaráđđehus dohkkeha ja evttoha ain váldostivrii dohkkeheami várás lassemearreruđa 111 000 euro Gáregasnjárgga boares skuvlla saneremii.

Mearrádus:

Giddodathoavda Markku Porsanger mitalii ášši birra gielddaráđđehusa lahtuide.

Evttohus dohkkehuvvui.

Váld

Evttohus:

Teknikkalaš lávdegoddi	§ 29	01.03.2022
Gielddaráđdehus	§ 65	28.03.2022
Váldostivra		30.05.2022

Váldostivra dohkkeha lassemearreruđa 111.000 euro
Gáregasnjárgga boares skuvlla saneremii jagi 2022
investerenprográmmii.

Mearrádus:

Juohkin

Teknikkalaš doaibma
Rehketdoallu

Teknikkalaš lávdegoddi	§ 27	11.05.2020
Gielddaráđdehus	§ 43	18.05.2020
Gielddaráđdehus	§ 52	26.04.2021
Váldostivra	§ 5	06.05.2021
Teknikkalaš lávdegoddi	§ 6	18.01.2022
Gielddaráđdehus	§ 40	28.02.2022
Gielddaráđdehus	§ 92	10.05.2022
Váldostivra		30.05.2022

28

Ohcejoga girkosiidda sajádatláva nuppástuhtin ja viiddideapmi

1/10.02.03/2019

Teknlg 11.05.2020 § 27

Ohcejoga gielda lea bidjan johtui Ohcejoga kirkosiidda sajádatláva ráhkadeami boares huksenláva vuodul.
Láva ođasmahttima gáibádussan leamašan eanangeavahan- ja huksenlága nuppástus ja ođđa gáibádusat servodaga ovdáneapmái.

Johtui boahtin: Teknikkalaš lávdegoddi 30.03.2012 § 38

Gieđahallan: Oassálastin- ja árvvoštallanplána (OAS)

Teknikkalaš lávdegoddi 30.03.2012 § 41

albmosis (gr) 12.04.–02.05.2012

Sajādatlávvaápmus (Válmmaštallanmuttu gullan/
albmosis doallan)

Gielddaráđdehus 11.2.2014 § 23 albmosis 19.2.2014 –
20.3.2014

Ohcejoga gielda lávvaápmosa lea gieđahallan lávvaápmosa 19.3.2020 ja dohkkehan lávvaápmosa ráddjema ja ovdanbuktin-
vuogi sihke huksenvuoigatvuoda merkemii laktáseaddji hámi. Dál
albmosii bidjan láhkai evttohusa sáhtta bidjat ođđasis albmosii, jos
dakkár nuppástus bohtet mat leat láva dáfus mearkkašeaddjit.

Sajādatláva gielda dahke váldoáššis iežas eatnamiidda, muhto dál
vistemáddu ja boares huksenlávva leat priváhta eanaoamasteaddjiid
buhta váldojuvvon dan viidodagas vuhtii go lea sáhtán dan
easttekeahhtá, ahte eanaoamasteaddjiid eahpedásseárvosaš
gieđahallan ollašuvvá ja nubbi deatlaš ášši lea, ahte gielda ii
geasage atte ánsásmeahtun árvobadjáneami sisttisoalli
čovdosiid.

Sajādatláva nuppástusa váldodeaddočuoggát leat čielgasit
ássanhuksen ja fitnodatdoaimmama vejolažžan dahkan gili
guovddášeatnamiin. Seammaáigasaččat gieđahallama vuloš
eanageavahan/ovddidanbuhtadusat vástidit priváhta
eanaoamasteaddjiid dárbbuide ja fitnodatdoaimmaid ollašuhhtimii nu
viidát go oamasteaddji lea plánen.

Evttohus:

Teknikkalaš lávdegoddi	§ 27	11.05.2020
Gielddaráđdehus	§ 43	18.05.2020
Gielddaráđdehus	§ 52	26.04.2021
Váldostivra	§ 5	06.05.2021
Teknikkalaš lávdegoddi	§ 6	18.01.2022
Gielddaráđdehus	§ 40	28.02.2022
Gielddaráđdehus	§ 92	10.05.2022
Váldostivra		30.05.2022

Ohcejoga gieldda teknikkalaš lávdegoddi dohkkeha evttohusa ja evttoha gielddaráđdehussii MRL 65 § ja MRA 27 § vuodul bidjat sajádatlávvaevttohusa albmosii 30 jándora áigái, man áigge teknikkalaš doaibma skáhppo cealkámušaid ja virggálaš gullamiid.

Mearrádus:

Evttohus dohkkehuvvui.

Gr 18.05.2020 § 43

Kirkosiidda sajádatláva nuppástuhttin- ja viiddidanevttohus sihke lávvačilgehus leat lassimateriálan.

Evttohus:

Gielddaráđdehus bidjá sajádatlávvaevttohusa albmosii MRL 65 § ja MRA 27 § vuodul 30 jdr áigái, man áigge teknikkalaš doaibma skáhppo cealkámušaid ja virggálaš gullamiid.

Mearrádus:

Vd. giddodathoavda Markku Porsanger ovdanbuvttii ášši gielddaráđdehusa lahtuide.

Evttohus dohkkehuvvui.

Gr 26.04.2021 § 52

Gielddaráđdehus ásahii Ohcejoga kirkosiidda sajádatlávva evttohusa albmosii 18.5.2020 (Gr 18.5.2020 §43). Lávvaevttohus lea leamaš albmosis 1.6.2020 – 30.6.2020. Fidnejuvvon máhcahagat leat giedahallojuvvon lávvenbargojoavkkus 14.10.2020. Máhcahagaid vuodul lávvenkonsulta lea dahkan dárbbášlaš dievasmahttimiid Ohcejoga kirkosiidda sajádatlávvi.

Heivehuvvon riektarávvagat: Eanangeavahan- ja huksenláhka 52§.

Evttohus:

Gielddaráđdehus mearrida evttohit Ohcejoga kirkosiidda sajádatláva nuppástusa ja viiddideami váldostivrra dohkkeheami várás.

Teknikkalaš lávdegoddi	§ 27	11.05.2020
Gielddaráđdehus	§ 43	18.05.2020
Gielddaráđdehus	§ 52	26.04.2021
Váldostivra	§ 5	06.05.2021
Teknikkalaš lávdegoddi	§ 6	18.01.2022
Gielddaráđdehus	§ 40	28.02.2022
Gielddaráđdehus	§ 92	10.05.2022
Váldostivra		30.05.2022

Mearrádus:

Vd. giddodathoavda Markku Porsanger ovdanbuvttii ášši gielddaráđdehusa lahtuide.

Evttohus dohkkehuvvui.

Váld 06.05.2021 § 5

Materiála lea oaidnin láhkai čoahkkimis.

Evttohus:

Váldostivra dohkkeha Ohcejoga kirkosiidda sajádatláva nuppástusa ja viiddideami gielddaráđdehusa evttohusa mielde.

Mearrádus:

Vd. Giddodathoavda Markku Porsanger ovdanbuvttii ášši váldostivrra lahtuide.

Veikko Porsanger evttohii, ahte sajádatlávva máhcahuvvo ođđasis válmmaštallamii nu, ahte lávvaevttohusas Gieddemielli parkerensaji ja lávvamerkemiin AL merkejuvvon eanasaji gaskii báhcci VL-viidodat rievdaduvvo AL-viidodahkan. Väinö Guttorm, Aulis Nordberg, Sammol Lukkari ja Marjatta Kordelin guottihedje Veikko Porsangera evttohusa.

Go čoahkkimis lei dahkkon gielddaráđdehusa evttohussii spiehkaseaddji ja guottihuvvon evttohus, ságadoalli evttohii, ahte čađahuvvo nammačuorvunjienastus, mas JAA lei gielddaráđdehusa evttohus ja ii Veikko Porsangera guottihuvvon evttohus. Jienastanortnet dohkkehuvvui. Jienat addojedje oktiibuot 12 st, main JAA jiemat 4 st (Anni Ahlakorpi, Mika Aikio, Ilmari Tapiola, Uula Tapiola) ja ii jienat 8 st (Marjatta Kordelin, Sammol Lukkari, Ismo Manninen, Aulis Nordberg, Veikko Porsanger, Nils Eric Lukkari, Anne Parkkonen, Väinö Guttorm). Jienastanlogahallan čuovusin nr 3. Jienasteami vuodul mearrádussan bođii Veikko Porsangera evttohus láva máhcaheamis ruovttoluotta válmmaštallamii.

Teknlg 18.01.2022 § 6

Dahkkojuvvo Gieddemielli sajádatlávva bargu sierra projeaktan. Ohcejoga kirkosiidda sajádatlávva barggu lea dahkan Tengbom Oy.

Teknikkalaš lávdegoddi	§ 27	11.05.2020
Gielddaráđdehus	§ 43	18.05.2020
Gielddaráđdehus	§ 52	26.04.2021
Váldostivra	§ 5	06.05.2021
Teknikkalaš lávdegoddi	§ 6	18.01.2022
Gielddaráđdehus	§ 40	28.02.2022
Gielddaráđdehus	§ 92	10.05.2022
Váldostivra		30.05.2022

Sis lea bivdojuvvon lassebargofálaldat Gieddemielli lávvaráhkadeamis. Lassebargofálaldaga haddeárvvoštallan lea 10 380 €.

Evttohus:

Dohkkehuvvo Tengbom Oy lassebargofálaldat Gieddemielli viidodaga lávvaráhkadeamis, haddái 10 380 € álv 0%.

Seammás teknikkalaš lávdegoddi dohkkeha girkosiidda sajádatláva nuppástusa ja viiddideami eará osiin ja evttoha dan ain gielddaráđdehussii ja váldostivrii dohkkeheami várás.

Mearrádus:

Evttohus dohkkehuvvui. Ovdal váldostivrra čoahkkima rievdaduvvo koartil 5 viessosadji 3 huksenvuoigatvuohtan RM 1500.

Gr 28.02.2022 § 40

Evttohus:

Gielddaráđdehus dohkkeha ja evttoha ain váldostivrii dohkkeheami várás Ohcejoga girkosiidda sajádatláva nuppástuhttima ja viiddideami eará osiin earet Gieddemielli viidodagas, mii máinnašuvvo ovddabeale válmmaštallamis. Gávnnahuvvo ahte koartil 5 viessosadji 3 huksenvuoigatvuohtan rievdaduvvo RM 1500.

Mearrádus:

Markku Porsanger ovdanbuvttii ášši gielddaráđdehusa lahtuide.

Aslak Holmberg evttohii, ahte ášši giedahallan sirdojuvvo čuoovovaš čoahkkimii, vai gielddaráđdehusa lahtuide báhca áigi oahpásmuvvat áššái. Anni Ahlakorpi guottihii Aslak Holmberga evttohusa.

Ságadoalli evttohii, ahte koartil 5 tonte 3 oasil heivehuvvo ovddidanbuhtadussii guoski váldostivrra mearrádusa. Marjatta Kordelin ja Arto Pohjanrinne guottiheigga ságadoalli evttohusa.

Go čoahkkimis ledje dahkkon guokte sierra ja guottihuvvon evttohusa, ságadoalli evttohii, ahte ášši birra jienastuvvo nu, ahte JAA lea gielddaráđdehusa evttohus, mii lea dievasmahtton

Teknikkalaš lávdegoddi	§ 27	11.05.2020
Gielddaráđdehus	§ 43	18.05.2020
Gielddaráđdehus	§ 52	26.04.2021
Váldostivra	§ 5	06.05.2021
Teknikkalaš lávdegoddi	§ 6	18.01.2022
Gielddaráđdehus	§ 40	28.02.2022
Gielddaráđdehus	§ 92	10.05.2022
Váldostivra		30.05.2022

ságadoalli lasáhusain, ja El lea Aslak Holmberga guottihuvvon evttohus. Jienastanortnet dohkkehuvvui. Jienat addojuvvojedje oktiibuot 6 st, main JAA jienat 3 st (Väinö Guttorm, Marjatta Kordelin, Arto Pohjanrinne) ja El jienat 3 st (Laura Niittyvuopio-Valle, Aslak Holmberg, Anni Ahlakorpi). Jienasteami vuodul mearrádussan bodii gielddaráđdehusa evttohus mii dievasmahttui ságadoalli lasáhusain.

Gr 10.05.2022 § 92

Gielddaráđdehusa ovddit gieđahallamis lea fuomášuvvon meannudanvuohkefeailla. Feailla vuigen gáibida, ahte ovddit mearrádus gomihuvvo, ášši gieđahallojuvvo ođđasis ja das addojuvvo ođđa mearrádus.

Evttohus:

Gielddaráđdehus gomiha 28.2.2022 § 40 mearrádusa meannudanvuohkefeailla geažil.

Gielddaráđdehus dohkkeha ja evttoha ain váldostivrii dohkkeheami várás Ohcejoga girkosiidda sajádatláva nuppástusa ja viiddideami muđui, earet ovddabealde válmmaštallamis máinnašuvvon Gieddemielli guovllus. Gávnnahuvvo, ahte koartila 5 tontte 3 huksenvuoigatvuohtan rievdaduvvo RM 1500.

Mearrádus:

Merkejuvvui beavdegirjái, ahte giddodathoavda Markku Porsanger lei mielde čoahkkimis ságastallama áigge.

Ságadoalli evttohii lasihuvvot mearrádussii, ahte čuovvut váldostivrra mearrádusa 16.6.2020 § 16, mii guoská eanangeavahansoahpamušaid ja ovddidanbuhtadusa. Evttohus dohkkehuvvui ovtamielalaččat.

Uula Tapiola geassádii čoahkkimis mearrádusa dahkama boddii.

Evttohus dohkkehuvvui oktan ságadoalli evttohan lasáhusain.

Váld

Evttohus:

Teknikkalaš lávdegoddi	§ 27	11.05.2020
Gielddaráđdehus	§ 43	18.05.2020
Gielddaráđdehus	§ 52	26.04.2021
Váldostivra	§ 5	06.05.2021
Teknikkalaš lávdegoddi	§ 6	18.01.2022
Gielddaráđdehus	§ 40	28.02.2022
Gielddaráđdehus	§ 92	10.05.2022
Váldostivra		30.05.2022

Váldostivra dohkkeha Ohcejoga girkosiidda sajádatláva nuppástusa ja viiddideami eará osiin earet válmmaštallamis máinnašuvvon Gieddemielli viidodaga. Gávnnahuvvo, ahte koartil 5 tonte 3 huksenvuoigatvuohtan rievdaduvvo RM 1500. Lassin čuovvut váldostivrra 16.6.2020 § 16 mearrádusa, mii guoská eanageavahansoahpamušaid ja ovddidanbuhtadusa.

Mearrádus:

Čuvvosat	Čuovus	Girkosiidda sajádatlávvakárta
	1	
	Čuovus	Girkosiidda sajádatlávva Ohcejohka čielggadus
	2	
	Čuovus	Girkosiidda sajádatláva mearrádusat
	3	
Juohkin		Teknikkalaš doaibma

Gielddaráđdehus	§ 118	05.11.2020
Gielddaráđdehus	§ 51	26.04.2021
Gielddaráđdehus	§ 151	20.09.2021
Gielddaráđdehus	§ 48	28.02.2022
Gielddaráđdehus	§ 105	16.05.2022
Váldostivra		30.05.2022

29

Ohcejoga sajádatláva nuppástus koartilis 1 dohkkehanláhkai

Gr 05.11.2020 § 118

Ohcejoga gieldda oamastan Kiinteistö Oy Ringinvatro lea vuovdán oasi Ohcejoga sajádatláva koartilis 1 sihke dasa laktáseaddji lagašastoáiggedoaimmaid guovllu (VL). Oasti ovdanbuktá gielddaráđdehussii koartila 1 ja dasa laktáseaddji lagašastoáiggedoaimmaid guvlui sajádatláva nuppástusa. Nuppástusa ulbmilin lea lávvet guvlui mátkebálvalusaid guovllu doarjut mátkeealáhusa ovdánahttima Ohcejogas. Ohcci čatnasa vástidit láva nuppástusa goluin.

Lávva barggu bargá Seitap Oy / Tapani Honkanen, guhte lea bargan lávva barggus EHL 63 §:a mielde oassálastin- ja árvvoštallanplána.

Mielddusin oassálastin- ja árvvoštallanplána ja gulahus evttohusa oaidninláhkai bidjamis.

Evttohus:

Gielddaráđdehus mearrida Ohcejoga sajádatláva koartil 1 ja oassái dasa rádjášuvvi lagašastoáiggedoaimmaid guvlui sajádatláva nuppástuhttima dahkama.

Gielddaráđdehus mearrida dahkat gulahusa sajádatláva nuppástusa ráhkadeami álgui bidjamis.

Gielddaráđdehus mearrida fápmudit huksendárkkisteaddji vuolláičállit lávvensoahpamuša guovllu lávvemis.

Mearrádus:

Vd. giddodathoavda Markku Porsanger ovdanbuvttii ášši gielddaráđdehusa lahtuide.

Evttohus dohkkehuvvui.

Gr 26.04.2021 § 51

Seitap Oy / Tapani Honkanen lea válmmaštallan Ohcejoga sajádatláva koartil 1 sajádatláva nuppástusa lávvahápmosa ja lávvahápmosa čilgehusa.

Gielddaráđdehus	§ 118	05.11.2020
Gielddaráđdehus	§ 51	26.04.2021
Gielddaráđdehus	§ 151	20.09.2021
Gielddaráđdehus	§ 48	28.02.2022
Gielddaráđdehus	§ 105	16.05.2022
Váldostivra		30.05.2022

Heivehuvvon riektarávvagat:

Eanangeavahan- ja huksenláhka 62§, Eanangeavahan- ja huksenláhkaásahus 30 §.

Evttohus:

Gielddaráđdehus mearrida gulahit Ohcejoga sajádatláva koartil 1 sajádatlávvaápmosa oaidninláhka oasálaččaid ja eará gieldda ássiid oaiviliid gullama várás.

Mearrádus:

Vd. giddodathoavda Markku Porsanger ovdanbuvttii ášši gielddaráđdehusa lahtuide.

Evttohus dohkkehuvvui.

Gr 20.09.2021 § 151

Ohcejoga Gielddaráđdehus mearridii 05.11.2020 § 118 bidjat Seitap Oy / Tapani Honkasa válmmaštallan Ohcejoga sajádatláva koartil 1 sajádatláva nuppástusa lávvahápmosa EHÁ 30 §:a mielde oaidninláhka oasálaččaid ja eará gieldda ássiid oaiviliid gullama várás.

Lávvaápmosa birra eai boahtán oaivilat.

Heivehuvvon riektarávvagat: Eanangeavahan- ja huksenláhka 65§, Eanangeavahan- ja huksenláhkaásahus 27 ja 28 §.

Evttohus:

Gielddaráđdehus mearrida bidjat Ohcejoga sajádatláva koartil 1 sajádatlávvaevttohusa EHL 65 § ja EHÁ 27 § mielde almmolaččat oaidnin láhka 30 beaivái ja mearrida bivdit lávvaevttohusas cealkámušaid EHÁ 28 §:a mielde.

Lávvaevttohus ja dan čilgehus mielddusin.

Mearrádus:

Evttohus dohkkehuvvui.

Gr 28.02.2022 § 48

Gielddaráđdehus	§ 118	05.11.2020
Gielddaráđdehus	§ 51	26.04.2021
Gielddaráđdehus	§ 151	20.09.2021
Gielddaráđdehus	§ 48	28.02.2022
Gielddaráđdehus	§ 105	16.05.2022
Váldostivra		30.05.2022

Ohcejoga sajádatlávva koartil 1 sajádatlávvaevttohus leamašan almmolaččat oaidninláhka EHL 65 § ja EHÁ 27 § mielde 6.10. – 4.11.2021 ásahuvvon 30 beavvi. Sajádatlávva nuppástusevttohusas guđđojuvvui okta muittuhus dan áigge go dat lei oaidnin láhka.

Lávvaevttohusas bivdojuvvojedje cealkámušat EHÁ 28 §:a mielde. Cealkámuša adde Lappi EJB-guovddáš ja Lappi lihttu.

Láva ráhkadeaddji vástádus cealkámušaide mielddusin.

Evttohus:

Ohcejoga gielddaráđdehus mearrida dohkkehit 6.10. – 4.11.2021 almmolaččat oaidninláhka leamašan lávvaevttohussii tehnikkalaš divodussan Lappi EBJ-guovddáša cealkámušastis evttohan dievasmahttima mearkkaid čilgehussii (geaidnolavtta mearka).

Koartil 1 sajádatlávva nuppástuhttimii laktáseaddjin dohkkehuvvo 1.6.–30.6.2020 almmolaččat oaidninláhka leamašan Girkosiidda sajádatlávva nuppástus ja viiddideapmi koartil 1 ja Deanu sihke Ohcejoga gaskasaš guovllu Utsjokisuuntie gáhtat, sátku (LV) ja lagašastoáiggedoaimmaid guovllut (VL).

Gielddaráđdehus evttoha ovddabealde máinnašuvvon dievasmahttimiin divvojuvvon Ohcejoga sajádatlávva koartil 1 ja dan birastahti guovlluid sajádatlávva nuppástusaid dohkkehanláhka váldostivrii.

Heivehuvvon riektarávvagat: Eanangeavahan- ja huksenláhka 52 §.

Divvojuvvon sajádatlávva nuppástusevttohus ja dan čilgehus mielddusin.

Mearrádus:

Markku Porsanger ovdanbuvttii ášši gielddaráđdehusa lahtuide.

Evttohus dohkkehuvvui.

Gr 16.05.2022 § 105

Ohcejoga sajádatlávva koartila 1 sajádatlávvaevttohus lea dollojuvvon MRL 65 § ja MRA 27 § mielde albmosis 6.10. – 4.11.2021 ásahusa mielde 30 beavvi áigge. Sajádatlávva nuppástusevttohusas guđđojedje oaidnináigge golbma muittuhusa.

Gielddaráđđehus	§ 118	05.11.2020
Gielddaráđđehus	§ 51	26.04.2021
Gielddaráđđehus	§ 151	20.09.2021
Gielddaráđđehus	§ 48	28.02.2022
Gielddaráđđehus	§ 105	16.05.2022
Váldostivra		30.05.2022

Lávvaevttohusas bivdojuvvojedje MRA 28 §:a mielde cealkámušat. Cealkámuša adde Lappi EJB-guovddáš ja Lapin liitto. Láva ráhkadeaddji vástádus cealkámušaide čuovusin. Divoduvvon sajádatláva nuppástusevttohus ja dan čilgehus čuovusin.

Heivehuvvon riektarávvagat: Eanageavahan- ja huksenláhka 52 §

Evttohus:

Ohcejoga gielddaráđđehus mearrida dohkkehit 6.10. – 4.11.2021 almmolaččat oaidninláhka leamašan lávvaevttohussii tehnikkalaš divodussan Lappi EJB-guovddáša cealkámušastis evttohan dievasmahttima mearkkaid čilgehussii (geaidnolavtta mearka).

Koartil 1 sajádatláva nuppástuhttimii laktáseaddjin dohkkehuvvo 1.6.–30.6.2020 almmolaččat oaidninláhka leamašan Girkosiidda sajádatláva nuppástus ja viiddideapmi koartil 1 ja Deanu sihke Ohcejoga gaskasaš guovllu Utsjokisuuntie gáhtat, sátku (LV) ja lagašastoáiggedoaimmaid guovllut (VL).

Gielddaráđđehus evttoha ovddabealde máinnašuvvon dievasmahttimiin divvojuvvon Ohcejoga sajádatláva koartil 1 ja dan birastahti guovlluid sajádatláva nuppástusaid dohkkehanláhka váldostivrii.

Mearrádus:

Giddodathoavda Markku Porsanger ovdanbuvttii ášši gielddaráđdehusa lahtuide.

Evttohus dohkkehuvvui.

Váld

Evttohus:

Gielddaráđđehus lea bealistis dohkkehan 6.10. – 4.11.2021 almmolaččat oaidninláhka leamašan lávvaevttohussii tehnikkalaš divodussan Lappi EJB-guovddáša cealkámušastis evttohan dievasmahttima mearkkaid čilgehussii (geaidnolavtta mearka).

Gielddaráđdehus	§ 118	05.11.2020
Gielddaráđdehus	§ 51	26.04.2021
Gielddaráđdehus	§ 151	20.09.2021
Gielddaráđdehus	§ 48	28.02.2022
Gielddaráđdehus	§ 105	16.05.2022
Váldostivra		30.05.2022

Koartil 1 sajádatláva nuppástuhttimii laktáseaddjin dohkkehuvo 1.6.–30.6.2020 almmolaččat oaidninláhka leamašan Girkosiidda sajádatláva nuppástus ja viiddideapmi koartil 1 ja Deanu sihke Ohcejoga gaskasaš guovllu Utsjokisuuntie gáhtat, sátku (LV) ja lagašastoáiggedoaimmaid guovllut (VL).

Váldostivra dohkkeha oktan ovddabealde máinnašuvvon dievasmahttimiiguin divvojuvvon Ohcejoga sajádatláva koartila 1 ja dan birastahti guovlluid sajádatláva nuppástusa gielddaráđdehusa evttohusa mielde.

Mearrádus:

Čuvvosat	Čuovus Koartil 1 sajádatláva nuppástusa čilgehus 4
	Čuovus Koartil 1 sajádatláva vástádus 5
	Čuovus Koartil 1 kárta 6
Juohkin	Teknikkalaš doaibma

Váldostivra

30.05.2022

30

Áššit diehtun

Váld

Mearrádus: